

Bréf sent prestum, djáknum, organistum,
sóknarnefndum og útfararstjórum

Reykjavík 21. desember 2021

Ágæta samverkafólk.

Eins og kunnugt er hefur smitum fjölgað mjög í samfélaginu og margir veikst af covid 19. Sóttvarnaraðgerðir hafa því verið hertar og hefur ríkisstjórnin gefið út nýja reglugerð, sem birt er á þessari vefslóð: [Undirrituð reglugerð 2312.pdf \(stjornarradid.is\)](https://stjornarradid.is/Undirrituð%20reglugerð%202312.pdf)

Á fundi biskups með próföstum og vígslubiskupum í gær var ákveðið að bíða með ákvarðanir um messuhald yfir jólin þar til reglugerð hefði verið gefin út. Ljóst er að nú gildir **50** manna fjöldatakmörkun fyrir sitjandi viðburði og **eins metra regla** - en á samkomum geta **200** manns komið saman með því skilyrði að allir hafi farið í hraðpróf og reynst neikvæðir. Þar af leiðir að hægt er að hafa helgihald um jólin

Ljóst er að sóknir landsins starfa við ólík skilyrði þegar kemur að aðgengi hraðprófa. Það er því eðlilegt að hátíðarhelgihald taki mið af því. Einnig er ljóst að þar sem hópsmit eru í fámennum sóknum þar skulu prestar ekki messa.

Geri prestar ráð fyrir fleirum en 200 manns í sama rými er leyfilegt að gera fleiri en eitt sóttvarnarrými þar sem því verður við komið. Þið þekkið best aðstæður ykkar á hverjum stað og ég treysi ykkar mati.

Í þriðju grein reglugerðarinnar má finna skilgreiningu sem ég tel að eigi við um okkar starf. Ég hvet ykkur að til að gaumgæfa reglugerðina vel.

Á vef stjornarráðsins í frétt um reglugerðina er sérstakur kafli um sviðslistir og kórastarf sem ég tel að gildi um helgihaldið í kirkjunni. Þar segir: „Heimilt er að taka á móti allt að 50 sitjandi gestum í hverju hólfi sem allir bera grímu og sitja í númeruðum sætum. Auk 50 fullorðinna mega vera 100 börn án hraðprófs í sama rými. Hægt er að taka á móti allt að 200 gestum sé fylgt reglum um hraðprófsviðburði. Viðhafa þarf 1 metra reglu milli sitjandi gesta.”

Þá langar mig að minna á að hægt er að nálgast hátíðarhelgihaldið í sjónvarpi og útvarpi yfir hátíðarnar í meira magni en áður hefur verið. Fallett og vel unnið efni sem sómi er af. Vert er að kynna vel þann góða möguleika í ykkar sóknum í ljósi aðstæðna.

Ég hvet ykkur til að hafa samband við starfsfólk biskupsstofu ef ykkur vantar ráðgjöf eða frekari upplýsingar.


Ég ítreka fyrri brýningu til okkar allra að við gætum að hinum persónulegu sóttvörnum og vil í því sambandi nefna eftirfarandi atriði:

- Sprittbrúsar skulu vera aðgengilegir við inn- og útganga, sem og á salernisaðstöðu.
- Við komu til kirkju svo og við brottför úr kirkju skulu kirkjuverðir og annað starfsfólk tryggja eftir fremsta megni að hópamyndanir verði ekki í anddyri eða fyrir utan kirkjuna.
- Handabönd eða annars konar líkamleg snerting skal ekki viðhöfð.
- Alltaf skal lofta vel út og sótthreinsa alla snertifleti milli athafna.
- Allt starfsfólk er hvatt til að fara ekki til vinnu komi upp einkenni veikinda.

*Fjárhirðum fluttu
fyrst þann söng Guðs englar,
unaðssöng, er aldrei þver:
Friður á foldu,
fagna þú, maður,
frelsari heimsins fæddur er.*

(Sálmur 96, vers 3: Matthías Jochumsson)

Ég bið þess að þið eigið gleðileg jól og bið Guð að blessa ykkur og fjölskyldur ykkar í lífi og starfi



Agnes M. Sigurðardóttir, biskup Íslands.

